

贛州府志卷五十三

人物志

孝友

晉

陳方期字長年雩都人晉太康初大守徐仲景辟爲功曹不就親喪晝夜號泣幾於滅性一日假寐若有人語曰無益存亡願擇出處方

不仕祀鄉賢

謝志

唐

謝俊字朝英贛縣人力耕養親承顏順志親沒負土築墳山多猛獸以孝誠所格皆馴伏唐永泰元年旌其門祀

贛州府志

卷五十三

孝友

鄉賢

唐書

宋

盧世豪贛縣人幼有至性竭力事親宋天聖中母卒營塋墓去水甚遠忽有甘泉湧出其流下絕一日巨蛇人墳俄破震死里人駭異邑令陳廷表其事於石祀鄉賢

張志

劉鑄字季野贛縣人淹貫經史幼孤鞠於伯父長以父事之交游多名流讀書天竺山從學者百餘人有仕族知其賢欲妻以女鑄曰吾妻夫也有母在仕族女肯提壘出汲乎恐桓少君不復易得也竟謝却之李潛稱爲純

德之上祀鄉賢

謝志

羅遜雩都人父亡以禮殯塋躬自持鍤荷土爲墳朝夕哭踊若新喪蔬食水飲三年縣令式其廬謝志

蕭行可字見仕興國人大觀三年進士父母歿自運甓土

營墳爲豫章宮校秩滿將遷以論事不合棄官歸裝蕭

然惟書籍一車而已後累徵不起嘗輯錄國學一書理

宗寶慶中縣尹趙不遇於其居址請建孝行坊以表之

祀鄉賢

參郡縣志

謝陟明字彥升贛縣人學有志操家貧遭母喪停柩未塋隣偶失火勢且延燒陟明抱柩痛哭誓與俱焚隣人競來赴救乃得俱全州郡辟舉皆不就登宋宣和三年進

贛州府志

卷五十三

孝友

二

士以中原多故隱居貢水東終老不仕祀鄉賢

謝志

龔彭壽字彥宏瑞金人深於易學及門者常數十人紹興

中流賊犯境母老病不能走避彭壽守母賊來願代母

死哀號不忍聞賊委之而去子母得全

張志

王瑜號比邱興國人穎異闊達絕意仕進天性孝友喪祭

皆準於禮訓子以義曰聖人不能違時爾盡忠國家雖

言不用吾亦可以無憾其見大義如此卒年八十二周

益公銘其墓

興國蔡志

元

廖人俊甯都人元末父死於寇母亦被虜人俊年方七歲

獨與祖母陳氏居既長日夕焚香籲天願知父母所在
久之若有指導之者竟得於叢塚間收而瘞之又聞母
在滄州復徒步往求至則物故矣痛母子不得相見欲
負骨歸塋異父弟不許乃刻母像歸附父塚陳氏孀居
七十一年壽九十九詔旌其門曰孝節賜衣帽條環寶
鈔吳文正澄紀之

謝志

明

孫思遠雩都人洪武中知縣宮好禮以秀才薦入京試優
等注官不受乞歸養母別構奉親堂以居朝夕承順母
卒塋祭悉如禮修撰練子甯御史解縉有文述其事

謝志

贛州府志

卷五十三

孝友

三

徐仲真龍南人九歲而孤母賴氏孀居每慟菽水無以爲
家仲真跪曰薄田具在敢不竭力母俄以憂育仲真遍
訪名醫療之弗瘳日夜禱於天常以舌舐之逾年遂能
辨物人以爲孝感所致子文以貢爲通道令亦能其官

謝志

馬麟信豐人百戶駿度弟駿因事毆殺人當死令甲武臣
服重刑者拔黃草龔麟歎曰伯兄罹罪而墜世勲先人
汗馬之謂何遂毅然以身代繫獄十年景泰改元大赦
出獄時年已六十矣初無嗣晚年連舉二子年九十卒
人以爲孝義之報

謝志

呂承廣興國人年十二喪父對人言輒隕泣事母孝母有目青朝夕不離左右寒則令妻溫被母年九十而卒臨殯阻雨雪廣籲天泣拜是日忽聞霽人稱孝感

張志

黃學信豐人諸生事繼母張氏盡孝嘗赴省試聞母病卽戒行朋儕稍慰止之學曰知母病而不躬侍何以書爲竟歸因棄廩終養

張志

劉贊岳字時嵩瑞金人宏治乙丑流賊破城隨父出逃賊執其父贊岳時年十一以身蔽父哭曰爾殺我無殺父賊索財以贖父贊岳奔還家已掠盡不知母逃何地復號奔往視其父中途拾一金簪饒賊賊憐而釋之嘉靖

肅州府志

卷五十三 孝友

四

八年知縣林椿申詳旌表

謝志

羅育字能祿甯都人以貢丞江甯僅五閏月引疾告休與弟極相友愛每旦必整衣冠揖坐講論唱和至老不倦

謝志

胡麟安遠人正德間貢生以母老不仕值流寇入境負母避山中被執賊欲兵其母麟號泣懇以身代賊爲感動并舍之祀鄉賢

張志

邱如泰字東邸甯都人烈廩生僉事一鵬季子幼孤父以廉聞天下母病醫言糞苦可治如泰嘗糞不苦撫膺大痛母竟愈年七十卒居喪哀毀踰禮兄尤貧減家食

分給之曰饑飽同爾長於詩古文

張志

賴德經瑞金人週歲而孤事母孝母沒殯在堂洪水驟至

德經取木爲椁移母柩其上縛已身於柩願與同沒水

退得全隆慶六年知縣呂若愚書純孝旌其門

張志

熊麻石城人嘉靖四十年寇亂父理爲賊執麻奔入賊營

願以身代父子皆見殺僕恩就賊丐二主屍賊義許之

負屍歸葬

張志

溫伯瑞石城人母早沒父爲怨家誣許坐大辟伯瑞年九

歲日夜號哭有客聞而心傷之攜之入京奏父冤狀間

關萬里卒出父於獄怡怡色養以壽終邑大夫廉其孝

贛州府志

卷五十三

孝友

五

行賓禮之年九十二卒

張志

徐世寵世宦龍南人後隸定南嘉靖二十年岑賊李鑑劫

擄入巢賊欲殺世寵其弟世宦求以身代復欲殺世宦

世寵亦如之賊義而兩釋焉

張志

曹藻信豐人諸生父鼎以家奴犯辟坐迷郡獄病藻侍病

不離左右及卒抱父屍出歸葬以哀毀得替眩而終黃

稽勲爲之贊

信豐志

文運會字應期會昌人性篤孝父炳厯官燕京楚蜀間萬

里相隨不離跬步以選拔除永康主簿甫周期卽解組

歸養親沒屢徵不起曰吾親安在尚須祿乎終隱盤古

山山上蒼松數千株皆其手植

寶志

歐子復字存仁會昌人廩生流寇犯境父爲賊執子復詣賊壘哀號乞代賊捨之父沒遭兵亂負母以逃鬻衣爲食極其孝養至老不衰萬厯二十二年有旨旌表

謝志

謝萬榴贛縣人捆屨爲業菽水養親比亡依於墓側以蓬爲蔽風雨寒暑弗暫離邑大夫胡如猛聞之造訪有問不知所對第涕泣頓顙謝胡感其誠慰勞而去已命同里諸生舉其孝行萬榴聞之匍匐及各生門叩頭請曰草野所爲敢瀆聞於官府乎不願受尺布斗粟賜也諸生反命邑大夫愈加嘆服

謝志

贛州府志

卷五十三

孝友

六

劉子細贛縣人幼孤有母在而家極貧兄弟四人刺船爲生已而念母老舍船而家仲兄子鍾頗自給子細與伯兄季弟俱爲人傭賃以供菽水母歿子細哀痛欲絕既乞貸殮葬諸債家來迫將思鬻妻以償子鍾聞之乃約兄及弟詣子細曰均子也奈何以母故而獨苦吾弟歸而合食還宿債終身無怨尤邑令楊汝昇作長歌表之

謝志

曹增重信豐人幼孤母有痰疾十年不瘳增重衣不解帶夢神示以方進藥而母愈兵亂同母避山中遇寇將刃之增重跪泣曰甯殺增重毋傷老母也賊感其誠並釋

之張志

鍾毓徽字述江興國人父早喪事母陳氏以孝聞母沒苦

塊蔬粥三年隣居失火毓徽伏棺號泣風息火滅知縣

吳宗周上其事巡撫王公獎以粟帛

張志

方似渠字從甫興國人少有至性母疾夜叩北辰請以身

代比居喪苦塊如禮事繼母無間所生母亦愛之如已

子爲諸生嗜學篤行年未五十卒

張志

謝國梓字賓南會昌人廩生兄國命杭州別駕俱以孝聞

國梓以萬曆二十七年當歲貢父病篤梓意不欲行父

弗趣之及抵省而訃至擗踊號泣嘔血數斗未幾喪明

贛州府志

卷五十三

孝友

七

事聞贛院旌獎歲給粟帛按部使屢式其廬

張志

李元顯字貴卿興國人諸生兄宦閩中欲迎母就養元顯

愀然曰奈何以升斗糈使垂白老母間關千里耶奉母

甘旨不貽兄憂

張志

廖愛栗愛栗安遠人父早逝事母盡孝母死泣血三年兄

弟不忍分異以田產相讓萬曆間知縣何舜齡嘉其孝

友皆賓禮之

張志

李稜龍南人二歲而孤稍長盡力養母務得其歡心垂三

十年未嘗少貽母憂母死哀號絕食未幾卒

張志

魏兆鳳字聖期號天民甯都人少以孝聞弱冠時父遊南

太學病耗至或爲涓日兆鳳曰焉有聞父病而卜吉日者乎即日行居親喪哀毀行古禮嘗予貸以塋高曾子孫之暴露者贖宗子於人立祭祀品式器用飲食皆有法宗子五世單傳貧不能娶兆鳳爲定婚授宅又爲鄉人塋死救患營橋梁道路閩人張耆鬻其妻而給爲妹始至有盛容詰得故立歸其妻鄒文清以訟論徒將嫁妻爲贖知其非罪出金與償更資給歸之崇禎初詔舉孝友廉潔學使陳懋德巡按葉成章先後以其名應皆不就人呼爲魏徵君三子皆有文行稱於時

張志

曾忠字清輔甯都人諸生母病廢忠護起居歷久不衰夜

贛州府志

卷五十三 孝友

八

火起中廳忠驚起入烈焰中救母妻楊氏抱子相隨救夫皆焚死明日衆人觀舉除瓦石得其屍忠負母於背妻妾旁跪護之莫不驚嘆知縣葉向榮親視報奏會變

故事寢

張志魏禮集甯都先賢傳

魏禮曰古初伏棺捍火而火滅忠焚死乃及其子酷已豈天道耶烈火所加慮無不焦糜而忠妻妾形完其背負跪如未死時以顯示衆人嗚呼豈非天道耶

李一松字茂甫雩都人積善屬文萬厯二十年選貢以親

老絕意仕進依依膝下如嬰兒弟一柏出入必偕甘苦

與其孝友之風閭里歎慕李涑講學羅巖松師事之卒

配祀其祠崇禎間督學副使吳炳檄縣祀鄉賢

張志

袁慶雲雩都人端子任上杭訓導未幾以親老乞歸朝夕奉養揣色聽聲未嘗跬步離左右親沒過哀遂以疾卒初端置側室生子慶暘母卒慶暘幼雲撫育成人

雩都志

王維字潛拙雩都人鴻裔孫諸生以五經授徒嘗遊李涪之門醇謹篤學言動不苟家貧竭力事親親沒墨瘡焦枯知縣饗啟臯造廬問慰上之督學表曰孝子之門

張志

謝爲舉信豐人少喪父與母相依母老有羸疾奉侍湯藥不離牀簀者三年異母兄出爲人後不能自給爲舉分以田宅妻張氏亦以孝聞

實志

曾良橋字景南會昌人早喪父事母孝撫幼弟五人既成

贛州府志

卷五十三

孝友

九

立不忍分居知縣梁宏建申聞巡按旌獎

張志

劉尙德贛縣人事二親終身如孺子逮沒每聞烈風迅雷

必至墓跪伏經三院並將匾曰孝子

贛縣志

黃崇秀信豐人年十五父病侍疾衣不解帶者五年及父卒日號於墓側又拮据力田以養母母卒營塋伐土下有舊穴崇秀曰吾欲塋親乃遷他人父母骸骨乎更塋母於他所撫兩幼弟同居三十五年以贍產分給之自取磽瘠而已初無子年近六十妻年五十餘始生子人以爲盛德所致

張志

李逢月字雲將雩都人一松子登天啟元年鄉薦以孝友

聞父沒匍匐苦次黑瘠不能起繼母袁氏有數月遺孤
逢月鞠而教之崇禎甲戌御史李宗著列其行誼薦於
朝張

志

謝天詔字紫宸雩都人隨父任撫州父任未四月卒於官
清介無所遺詔痛哭與謝扶柩歸里母性嚴詔先意承
志稍弗悅必恐懼引罪侍立終日中崇禎十二年副貢
應選廷試充北雍朝廷欲除以御史以親老不就晚年
潛心理學雩都

志

何緒字克成會昌人父卒兄纓與其子亦早卒遺孤孫與
庶弟方十歲緒皆撫育成人善治生產視父業靡數十

贛州府志

卷五十三 孝友

十

倍弟約其兄孫與緒分緒會其資爲三兄弟平受之人
有急求鬻田厚與之值或輒悔其田緒還之不責償鄉
里稱爲何長者太僕歸有光爲作傳

會昌志

李拊字文和興國人父朝爲湘鄉丞督賦不妄取攝安化
令雪侵帑之獄以廉明稱拊性清樸事母孝母疾湯藥
必親奉兄揆赴選乏資斧鬻產助之邑令海瑞贈以粟
帛聘爲鄉校師

興國志

徐昂龍南人九歲失怙甫十二歲母卒未葬流賊突至縱
火將及柩衆皆避匿昂號泣籲天風息火滅衆咸異焉
長補弟子員恬退不樂仕進築室城西求聖賢之道尤

諸史學嘗植竹數竿吟詠其下自號逸林

寶志

徐養豫龍南人年十七母鍾氏疽發於背痛楚呼號豫以

口吮之母得痊

李志增

陳嘉文會昌諸生父母早逝謹事伯兄如父後死兵難

李志

曾三俊雩都人隨父之任南靖賊至母孫氏投火中三俊

入火救之不及得遺骸以出賊爲感動相率殮屍去

據鄭

仲夔冷

賞補

國朝

歐可悌字恭達會昌人廩生明末時父被寇執將就戮可

悌以身求代賊感其誠俱縱焉

張志

贛州府志

卷五十三 孝友

十一

廖守相信豐人順治二年四營頭寇信地猝至守相奉父

母避穀山寨幼弟守模就塾未及召被執同被擄者十

三人母聞耗偕仆於地守相救甦跪慰曰兒當捨身救

弟出遂取私積百金以贖哀泣懇告賊感其義釋之並

全十三人後兄弟友愛守相至八十三而終

舊志

鍾甯龍南人廩生甫四歲失所生母哀痛如成人娶張氏

有婦德孝事嫡母林氏母卒甯哀毀順治三年父應霖

罹飛禍甯號泣赴郡縣白寃狀知縣呂應夏廉知之爲

雪其事兼得其父子善狀以兩朝善士旌其門

張志

歐有采會昌人諸生兄有亮夫婦早逝遺一子十歲順治

雋都始得姪消息傾所攜金贖以歸已子卒不獲後生
子吉琦康熙中恩貢

會昌志

賴之冕字首人會昌人父士聖明末官職方郎中戊子之
變會昌以受僞檄被圍士聖詣賴帥約翰金三萬贖闔
城命貲半入而城不全士聖自縊子七人三死於兵之
冕奉父命隨其母得間遁去事定歸求父殯於煨燼中
不可辨泣血自傷卽其處哀骼塋之徧收城中諸骨於
南郊築萬靈塔藏之里中義舉無不爲之首倡以例貢
授布政司經歷弗就

會昌志

廖乾瓊信豐人守相季子祖持正塋本地山山吉君橫

贛州府志

卷五十三 孝友

十二

塘張宦產也宦僕至噴有煩言守相不憚歸沒屬其子
曰余生平無所遺恨惟祖塋附墓田山貽僕人口實爾
三子克繼子志能購此田後嗣其寢昌乎乾瓊遵遺命
懷重貲倍價往售之年過四十無子又九年生子應昌
人以其言爲讖云晚年尤力行善事貸穀於貧乏之不取
其息鄉隣待以舉火者百餘家年七十而終知縣張輔
宸爲其父子合傳

信豐志

李標英字伯倫安遠人明季山寇竊發負母匿深林中爲
賊所獲標英告哀曰吾死不辭願生還我母賊難之標
英持母長號賊兩釋之相戒勿人其鄉

寶志

蔡興珂暨妻鍾氏安遠人居常夫婦盡孝敬養備至順治間廣寇作亂適父母俱病跬步難移夫婦負以逃難竭力護持辛苦備歷居喪哀毀骨立乾隆十年督學金公德瑛題其門曰孝行同心

據安遠志增

曹九光信豐人諸生事母郭氏以孝聞巡按御史李之萃以讀書守禮旌之母年九十二卒哀毀骨立終三年喪不與宴會

張志

鍾燦字內美興國人諸生順治戊子寇亂繼母朱氏病篤燦侍牀簣弗敢離賊至叱曰胡不去燦泣訴云母病危不忍耳賊感釋之弟燿爲賊所執姪在襁褓中被擄燦

贛州府志

卷五十三

孝友

十三

不避艱險徧訪贖歸卒閣學王思軾銘其墓

張志

魏世傑字興士甯都人諸生少朗悟有志操父際瑞爲韓大任所害世傑徒步迎喪至家拔佩刀自刎左右強持之遂日夜椎胸血下腹痛偃僂不能立呼號二十日而死時年三十三著有梓室詩文集

張志

朱天宿字公曜瑞金人諸生遭亂陳石砦砦破叔父弟妹皆死於兵天宿羣死扶傷備嘗艱苦值歲饑竭力以養王母及母亂平訪得從弟二人歸叔所遺業分毫不私

實志

朱明瑞瑞金人年十五父榮盛被誣下獄赴闕搗登聞鼓

鳴冤竟脫父厄父沒事繼母孝幼弟早逝撫從子三人與子均分已產

張志

鄧斗光石城人諸生順治丙戌父爲寇所執斗光兄弟乞以身代寇憫其孝舍之康熙初徵遺逸邑令推之不去

張志

溫自厚石城人順治己丑流賊張自盛破城父廷元被執自厚詣營哀泣願以身代賊感其誠并贊之

張志

劉堅字不磷會昌人幼有至性順治戊子之變隨母先期出城走匿蠶口山中父死於兵兵退堅隨老僕至縣徧覓父屍暴骸中于東門外得之昇歸塋哀感行人時年

贛州府志

卷五十三 孝友

十四

始十四耳謹事寡母終身不離左右同懷十餘人堅爲之婚嫁妻死不再娶一子及孫先登皆早卒復延名宿教先登子聖謨舉乾隆三年鄉試孫德珍乾隆十八年

副貢

寶志

陳天倫字道吾會昌人至性純篤順治戊子粵寇掠境父舜法被擄天倫追賊蹤至白竹攜金贖父賊少之天倫求釋父願以身質俾父歸辦金賊遇官兵殺散後覓天

倫不知所終學博周瑞爲孝子傳

據會昌志增

會尚志字成玉會昌人篤學勵行以孝友矜式里閭平生足跡不履公庭惟率昆弟子姪輩課誦一堂戒之曰守

身爲孝失身卽不孝矣

據會昌志增

賴修位龍南人甲申閭寇奄至修位負母入山避賊回取供具寇從山徑相值挾其母索貲修位佯許之約取於他處置其母而身與賊俱比至一無所有賊怒殺之母得免

張志

劉颺字元兆會昌人諸生未晬而母卒父士立再娶王氏鞠育之王氏歸未晬而父又卒氏撫颺如己出颺孝事繼母愛敬終其身母未嘗有怨言厲色相加初其父艱子息生一子病廢撫堂姪某繼已乃生颺父卒繼兄蕩其所分授復懷利刃脅颺颺跪抱其膝曰兄有急弟當

贛州府志

卷五十三

孝友

十五

奉命今卽殺我何害但恐驚老母也久之兄感愧颺子世基受知於學使李鍾僑辟入幕府校文詢及其父母爲作孝弟說以表之

寶志

賴之捷字汝莊會昌人順治戊子城破與弟之晨俱爲兵掠時方十歲日攜弟哭泣於牆隅兵詰之之捷曰想我父兄死得可憐也兵因是憐之亂平伯兄之冕贖之歸

寶志

廖士章興國人順治己丑營將勦土寇弟士廣被執母江氏追至營計不欲生士章願破產贖不許兵衆仆母子於地掠士廣去後知廣卒於江北有遺孤竭力贖歸爲

授室友愛至老不衰

張志

謝君雋字孟加龍南人諸生戊子賊攻城潛出求援城陷父母被執君雋自象塘冒死入城保全其親兄弟同居友愛數十年如一日子上現以歲貢爲永豐訓導

參張志實

江立貢字彙瑛興國人順治丙申負父永俸避梅窖賊於上龍時立貢未得嗣永俸病革恐賊害其子命之遠逃立貢跪泣曰父病兒求代不得忍貪生乎後父終茹素號泣者三年

實志

謝克昌定南人明節烈謝碧羅氏之孫四歲失怙能遵母

贛州府志

卷五十三 孝友

十六

訓長而貧母病臥數年謹奉湯藥罔懈母年九十餘克昌亦七十餘母不能自進食親爲進之一切舉動躬自扶持母常止之曰爾亦老矣孫曾可待我何自苦爲克昌謂後生恐不周也母卒年九十八克昌年八十八而終

實志定南志

劉洪允雋都人父思穆充禾豐練長順治己亥隨父統鄉勇勦賊李廷玉奔北失道反負父父曰吾憊矣兒自逃生允曰父死何用生爲負父而行賊追及并遇害

雋都志

朱士昂雋都人康熙十三年崖石賊掠雋之北鄉士昂母李氏被執昂冒賊刃哀泣隨母賊索其鍰贖昂同妻鍾

氏賣身本縣會某得銀贖母曾憫其志還其身契奉母
歸竭力孝養乾隆二年旌表建坊

雩都志

戴國璜字賜生信豐人歲貢戊子寇亂叔父爲賊所擄父
憂鬱成疾璜時年十八入賊營泣求身代謂吾尚有弟
叔父無子情詞悽切賊義而兩釋之其子士弁爲諸生
亦善事母

戴國治字智生信豐人諸生丙辰寇亂偕兄避居鄉園寇
又掠至園中人盡竄時治兄患病將死攜幼姪抱兄於
臥榻悲號寇詰以不避故治曰兄弟本同根急難何忍
棄寇憐之信豐志擾而退

贛州府志

卷五十三 孝友

十七

郭逢辰字堯日信豐人粵寇王割耳破各鄉執其兄逢年
索金逢辰詣賊營代兄拘禁迨官兵至得脫康熙甲申
大饑煮粥濟困郡守嘉之

信豐志

許永壽字南山龍南人侍父病父有沃產及疾篤謂永壽
曰汝從子數人幼孤吾欲以汝產分給之永壽唯唯比
父沒遵遺命無恹色

龍南志

鍾元識龍南人諸生父應問以鄉舉任荊州司理卒於官
扶柩歸里過九江值大風舟楫盡毀元識叩柩號泣已
而風平柩得以全人稱其孝

龍南志

王褒字衮若贛縣人諸生避亂龍南戊子山賊陷城母溫